

## Mepepelime me Ire ma Yahaya

### *Ucuduwu wa aatagada a nda*

Ayi nda ayi da mepepelime me ire ma na Yahaya danai. E mepepelime ma nda, u damma ta u dana yi a tyo a “ka na Asula a dangwai obolo na muwun ma yi.” Ucasu wa atsumalima a aza e Itoni a dana ta lo a mantsa'a, Yahaya yuwan ta ulinga ni idanshi i nda o una wa aa'isa na ama a na a ri pe.

Yahaya damma ta icigi ili ya abula i da e ekere a Asula, ne da fo icigi i ri na abula e ekere a aza e Itoni. A mantsa mo ndolo, ama o ro a dansa ta a na Zamawawa vuma da na amayun shi, amma ruhu da na ama ee ene ne esu e le. Reve Yahaya damma ayi ndolo epen a da, amma amayun ayi da Yesu Zamawawa vuma da na amayun. Reve u damma aza e Itoni a 'yuwan munlu me epen.

Ana'an fo, munlu me epen n ta lo aza a na a yuwusan uritosu wa amayun shi. Aza e Itoni a 'yuwan munlu me epen n ndolo. Ili ya abula i da aza e Itoni a ciga amayun, waru a cigalai.

### *Ili i na iri pe atsuma a aatagada a nda*

1. Amayun ni Icigi (4-11)
2. Icasu yu Ukosu (12-13)

### *Icasu*

<sup>1</sup> Amu, Yahaya zagbain,\* amu da n ɗanai mepe-  
pelime ma nda a tyo a ka na Asula a ɗangwai o<sup>o</sup>lo  
na muwun ma yi.† N ciga ɗu ta na amayun. Amu  
ɗa n ciga ndu goon shi. Ama a na e revei amayun  
suru a ciga ɗu ta fo. <sup>2</sup> Tsu ciga ɗu ta adama a  
amayun a na a ri pe atsuma a tsu waru u ta ɗana  
pe babu ukotu.

<sup>3</sup> N ta yuwusan avasa tsara Asula Dada na Yesu  
Kristi Zamawawa za na ayi ɗa Mawun ma yi  
u yuwaan tsu isa'ani waru we ene iliyali i tsu!  
Lyawa a ca tsu asuvu nden, na amayun ni icigi.

### *Amayun ni icigi*

<sup>4</sup> N yuwan ta mazanga ma abunda ana mu  
uwwai muwun n ɗu n ro oo tono ure wa amayun,  
cine Dada damma ntsu tsu yuwan. <sup>5</sup> Nawayi va,  
n ɗanaa wu tsara vu yuwan ili i sa'avu i ro shi. N  
ɗanaa wu ta tsara n damma ɗu i cigalai, ayi ɗa ili  
yu ufaru i na a damma ntsu tsu yuwan. <sup>6</sup> Ayi nda  
ayi ɗa icigi: na tsu yuwain ili i na Asula a damma  
ntsu tsu yuwan. Waru u damma ta diga o ufaru i  
cigalai.

<sup>7</sup> Munlu me epen na abunda a ta kandaruwusa  
atsuma o uvadi. Aza a wulumu a nda a ta dansa a  
na Yesu Zamawawa ri na lipu cu'un vu vadilima  
shi. Agba aza e epen a ɗa waru n'yuwatan mu  
Zamawawa n ɗa. <sup>8</sup> I yuwan ugbozu. Ni i yuwan  
ugbozu shi, i ta gura lamba ili i na i lingai adama  
a yi suru. Amma ni i yuwan ugbozu, i ta tsara  
iliyinkapa i ɗu tapu. <sup>9</sup> Vuma na isawain atsuma

---

\* **1:1** Danshi Tsheleni pa nda ta yuwusan adanshi adama a  
aabara tsu zagbain. † **1:1** Ayi ka o<sup>o</sup>lo na muwun ma yi u ta  
yuwusan adanshi a aa'isa a aza e Itoni na aza a na a uwusa pe.

o uritosu wa Yesu Zamawawa shi, avu u feletyo, u ri obolo na Asula shi. Vuma na isawain atsuma o uritosu'u u to obolo na Dada na Mawun. <sup>10</sup> Na vuma tawa atsuma e ibolo i du, agba u yuwan uritosu wa amayun a aci a Zamawawa shi, she i banu yi a 'wa du ko i casa yi ko ke'en wan. <sup>11</sup> Ni i raba cu'un vuma ndolo, i yuwan ta fo cu'un vu ulinga vi iwuya ya yi.

### *Idanshi yu ukosu*

<sup>12</sup> N ta ni ili ya abunda a na n cigai n damma du, agba n ciga n dana le a aavu'un shi. Amma n ta a majiyan n tawa n yuwan adanshi na adu esu esu, tsara tsu dana tapu na mazanga.

<sup>13</sup> Muwun mu za va wu vu ka za na Asula a dangwai a ta lyungusau wu ni icasu i le.†

---

† **1:13** Ka na a yuwusan adanshi a aci a yi pa nda aisa a na Yahaya danai ana u danai mepepeline ma nda ma da, muwun ele da aza a na a uwusa atsuma a aisa a aza e Itoni.

**Nzuwulai n Sa'avu na Tsishingini na adiva a  
na a dangulai a Nzuwulai mu Ufaru  
New Testament in Tsishingini (NI:tsw:Tsishingini)**

copyright © 2011 Wycliffe Bible Translators, Inc.

Language: Tsishingini

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Tsishingini

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

---

PDF generated using Haiola and XeLaTeX on 11 Nov 2022 from source files  
dated 29 Jan 2022

bb185c63-dc44-572c-ae93-66252c4dfa1e